

## Ս Ե Ղ Մ Ա Գ Ի Ր

### «Ը ներգետիկ ենթակառուցվածքների և բնական պաշարների նախարարության ջրային տնտեսության պետական կոմիտեի կողմից 2017 թվականին կատարված հիմնական աշխատանքների հաշվետվության»

2017 թվականին Կոմիտեի կողմից ապահովվել է «Կառավարության 2017 թվականի օգոստոսի 24-ի N 1105-Ն որոշմամբ հաստատված հավելվածներով «Կառավարության 2017 թվականի գործունեության միջոցառումների ծրագրի և գերակա խնդիրների՝ Կոմիտեին վերաբերող (Հայաստանի Հանրապետության կառավարության 2017 թվականի գործունեության միջոցառումների ծրագրի և գերակա խնդիրների N 1 հավելվածի 116-118-րդ կետեր և N 2 հավելվածի 108-112-րդ կետեր) պահանջները:

**Ջրային տնտեսության ոլորտում ջրային տնտեսության պետական կոմիտեի համակարգմամբ 2017 թվականի ընթացքում կատարվել են հետևյալ հիմնական աշխատանքները.**

1. 2016 թվականի նոյեմբերի 21-ին «Կառավարության» ի դեմս Կոմիտեի, ««Վեոլիա Օ Ժեներալ դեզ Օ»» կոմանդիտային բաժնետիրական ընկերության և ««Վեոլիա Ջուր»» ՓԲԸ-ի միջև ստորագրվել է վարձակալության պայմանագիր: Վարձակալի գործունեությունը մեկնարկել է 2017 թվականի հունվարի 1-ից: 2017 թվականին ««Վեոլիա Ջուր»» ՓԲԸ-ի կողմից ապահովվել է 1713.0 մլն դրամի չափով «Կետական բյուջեի մուտքեր:

Համաձայն Վարձակալության պայմանագրի մրցութային կարգով իրականացվել է անկախ տեխնիկական աուդիտորի ընտրություն: Անկախ տեխնիկական աուդիտոր է ընտրվել Գերմանական ««Սաքսեն Վասսեր»» ընկերությունը («Sachsen Wasser GmbH»), որի հետ 2017 թվականի սեպտեմբերի 13-ին կնքվել է պայմանագիր՝ պայմանագրային առաջին 5 տարիների ընթացքում վարձակալի աշխատանքի և նվաճումների տեխնիկական, կառավարման, շահագործման և պահպանման ամենամյա աուդիտի, ինչպես նաև պայմանագրով նախատեսված այլ աշխատանքների իրականացման համար:

Ջրային տնտեսության բնագավառում օտարերկրյա պետությունների և միջազգային վարկատու կազմակերպությունների կողմից տրվող վարկային և դրամաշնորհային միջոցների հաշվին ֆինանսավորվող վարկային ծրագրերն արդյունավետ կառավարելու նպատակով ընդունվել է «Կառավարության 2017 թվականի փետրվարի 23-ի N191-Ա որոշում: Ներկայումս ջրային ոլորտի ծրագրերի իրականացման լիազորությունները վերապահվել են ««Ջրային տնտեսության ծրագրերի իրականացման գրասենյակ»» ՊԸ-ին:

Ավարտվել է Երևանի Աերացիայի մաքրման մեխանիկական կայանի շինարարությունը: Ծրագրի ավարտով պայմանավորված՝ դադարեցվել է ««Համայնքային զարգացման ծրագրերի գրասենյակ»» պետական հիմնարկի գործունեությունը:

Մասնագիտացված Օպերատորի կողմից չսպասարկվող «Զուրջ 577 գյուղերում պատշաճ մակարդակի ջրամատակարարման և ջրահեռացման ծառայությունների ապահովման նպատակով նախատեսվում է ստեղծել նախադրյալներ մասնագիտացված կազմակերպությունների ներգրավման ուղղությամբ:

Այս գործընթացի հիմքում պետության կողմից տարվող քաղաքականության հիմնական ուղղվածությունն է՝ պետություն-մասնավոր տնտեսվարող (ՊՄԳ) փոխշահավետ համագործակցության ապահովմամբ:

2. Ոռոգում-ջրառ իրականացնող ««Ջրառ»» փակ բաժնետիրական ընկերության, ինչպես նաև ոռոգման ջուր մատակարարող 14 ջրօգտագործողների ընկերությունների գործունեությունների արդյունքներով ապահովվել է 97.473 հազ. հա հողատարածքների կայուն ջրամատակարարումը:

«Կառավարության 2017 թվականի մայիսի 25-ի N22 արձանագրային որոշմամբ հաստատվել է ««Ոռոգման ջրամատակարարման ոլորտում ջրի փաստացի օգտագործումը հաշվի առնող կառավարման»» հայեցակարգը: Միաժամանակ «Կառավարության 2017

թվականի դեկտեմբերի 28-ի N54-36 արձանագրային որոշմամբ հավանության է արժանացել <<Ոռոգման ջրի մատակարարման ոլորտում ջրի փաստացի օգտագործումը հաշվի առնող կառավարման հայեցակարգի միջոցառումների ծրագիրը>>:

3. **Համակարգի կազմակերպությունների հիմնական գործունեության վերլուծությունը ցույց է տալիս**, որ 2017 թվականին իրագործվել են հաստատված ծրագրերը:

Ոռոգման և խմելու ջրամատակարարման ծառայությունների դիմաց հավաքագրումների գծով 2017 թվականի համակարգի գանձումը կազմել է շուրջ 21.93 մլրդ դրամ՝ 2016 թվականի 21,83 մլրդ դրամի փոխարեն կամ ավել է գանձվել 101.9 մլն դրամ:

Խմելու ջրի ոլորտում գանձման տոկոսը 2017 թվականին կազմել է 87.24%, իսկ ոռոգման ոլորտում գանձման տոկոսը 2017 թվականին կազմել է 64.72 %:

Խմելու ջրի մասով գանձվել է շուրջ 17.78 մլրդ դրամ՝ 2016 թվականի 17.96 մլրդ դրամի դիմաց կամ պակաս է գանձվել շուրջ 176.8 մլն դրամ, իսկ ոռոգման ոլորտում գանձվել է 4.15 մլրդ դրամ՝ 2016 թվականի 3.87 մլրդ դրամի դիմաց կամ ավել է գանձվել շուրջ 278.7 մլն դրամ:

Հաշվի առնելով 2017 թվականի սակավաջրության և եղանակային անբարենպաստ պայմանները՝ համակարգն ունեցել է էլեկտրաէներգիայի գերաժախս: 2017 թվականին էլ.էներգիայի ծախսը կազմել է 221.93 մլն կՎտ Ժ՝ 2016 թվականի 172.68 մլն կՎտ Ժ-ի դիմաց կամ ավել է ծախսվել 49.25 մլն կՎտ Ժ-ով:

4. 2017 թվականին ջրային տնտեսության համակարգի կազմակերպություններով << պետական բյուջե է փոխանցվել շուրջ 7.6 մլրդ դրամի հարկեր, տուրքեր և պարտադիր վճարներ:

5. 2017 թվականի մայիսի 7-ից սեպտեմբերի 15-ը Սևանա լճից ոռոգման նպատակով բաց է թողնվել 266.757 մլն խոր.մ ջուր, իսկ Արփա-Սևան թունելով Սևանա լիճ է տեղափոխվել 110.819 մլն խոր.մ ջուր: Սևանա լճի մակարդակը 2017 թվականի տարեվերջին կազմել է 1900,42 մ:

6. <<Արփա-Սևան թունելի հավատարմագրային կառավարման ծառայություն>> ծրագրով Արփա-Սևան թիվ 2 թունելի առանձին վթարային հատվածների հիմնանորոգման աշխատանքներն իրականացվում են պամանագորով նախատեսված ժամանակացույցին համապատասխան: 2017 թվականին իրականացվել են 1689.54 մլն դրամի աշխատանքներ: Թունելով ջրի բացթողնման արդյունքում աշխատանքները դադարեցվել են 2017 թվականի ապրիլի 15-ին և վերսկսվել են 2017 թվականի հուլիսի 04-ին:

7. 2017 թվականին տեղերում կատարված ուսումնասիրությունների արդյունքում ի հայտ են բերվել առաջնահերթ իրականացման ենթակա հակահեղեղային միջոցառումներն ու սահմանված կարգով հաշվարկվել դրանց իրականացման համար անհրաժեշտ ֆինանսական միջոցները: Հատկացված գումարների հաշվին իրականացվել են << Արմավիրի մարզի Բագարան, << Շիրակի մարզում Կապսի ջրամբարի շինարարական թունելի մուտքային, ելքային հարակից լանջերի մաքրման և Արթիկ քաղաքի հեղեղատարների առաջնահերթ հատվածների մաքրման և ավերի ամրացման աշխատանքները:

8. Ջրամբարաշինության (Կապսի, Վեդու, Մաստարայի և փոքր ու միջին ջրամբարներ) և ենթակառուցվածքների արդիականացման ծրագրերի նախապատրաստման ուղղությամբ իրականացվել են համապատասխան աշխատանքներ: